

11/07/2019 شؤون المهاجرين

صبا عماد العبيد لاجئة سورية ومخترعة تناشد العالم بعدم ترحيلها من الأردن



لاجئة سورية ومخترعة تناشد العالم بعدم ترحيلها من الأردن

خاص: صوت سوريات - الأردن

"صبا عماد العبيد" لاجئة سورية تعيش في الأردن هاربة من الموت الذي حل ببلدها سورية، حيث قالت مناشدة العالم اجمع عبر صفحتها الشخصية في فيسبوك:

ب ٧/٧/٢٠١٣ دخلت الأردن وبهداك اليوم اخدنا الدرك الأدرني ودخلنا على المخيم الإماراتي الأدرني، اقتنعت بأنه هاد نصيبنا وهيك اجي فرزنا حمدت ربنا انه نحنا يمكن هلاء احسن من غيرنا بكتير وب ٢٨/٨/٢٠١٥ قرر بابا يسافر على "النمسا" ويطلع من المخيم حتى يأمن حياة افضل واحسن لولاده ولزوجته من حياة المخيم، وبابا فعلا سافر ويمكن وقت سافره كان اصعب الأوقات علينا لأن عمرنا ما بعدنا عن بابا ولا هو بعد عنا بس كمان بوقتها طلعت على موضوع بشوت ايجابية وحيكمت كلها سنة وبشوفه وبعيش بالنمسا وبتكون حياتي افضل، وفعلا لما اجي خبر بأنه بابا اخذ الاقامة النمساوية وصار فينا نقدم على معاملة لم الشمل بالسفارة النمساوية اكيد كانت فرحتي مابتوصل بس لما وصلت السفارة حتى قدم اوراقني أنا وعائلتني منتفاجدء "بخبر رفض لمعاملتي ومعاملة اخي عبدالله والسبب انه نحنا صار عمرنا فوق ١٨ سنة"، بس كمان اخذته بروح اجابية وفكرت بالموضوع بطريقة مختلفة تماما حكيت حياة عزوبية مليانة مغامرات واكتشافات ومعلومات ودراسة واشياء حلوة وحكيت كلهم سنتين بخلص بكالوريوس وبطلع عند اهلي اكمل دراسات عليا وكملت حياتي طبيعي وبطلت مدايقة من هي القصص

وتابعت، بتاريخ ٢٠/٦ اجت الفيز ل اهلي وتحدد تاريخ سفرهم ب ٨ / ١٣



اكبيد فرحت طبعاً بهاد الشئ كثير وجد قرررت اني كمل هدول السنين يلي ضاييلين علي مع اخي بالاردن لوحدنا بس اليوم الصبح اتفاجء ”بقرار صادر من وزارة الداخلية بمغادرتي أنا وأخي في حال مغادرة ماما الأردن” .

وأضافت، طيب انه وين ممكن نروح سوريا يلي هي بلدي مافيني ادخلها، والنمسا اعتبرتنا كبار ومافي لزوم نعيش مع اهلنا وكلنا بنعرف انه مافي ولا دولة عم تعطي فيز للسورين انه معقول لانه اهلي صار بدهم يسافرو انا اخسر جامعتي وحياتي وطموحي طيب مو من حقي انه انا ظلني بالاردن وبجامعتي وكمل حياتي طبيعية انا لو عندي مكان ثاني غير الاردن كان رحت علي بس والله مافي غير هي البلد يلي صرت حبها اكثر من سوريا وحابة كمل حياتي فيها انه معقول كل هاد بس لان على هويتي في كلمة مخيم

” انه شو الحل حتى ظلني هون وكمل دراستي ”